

գրեցի և ծաղկեցի գիրքս այս՝ ի դուռն Ս. Աստուածածնին, ի դառն և անբա-
րի ժամանակիս, յորում նեղիմք ի ներքին և յարտաքին թշնամեաց: Եւ
արդ աղաչեմ զձեզ՝ ո՛վ երանեալ սուրբ ընթերցողք, յորժամ պատահիք սուրբ
գրոցս, ի տեսանելն ձեր զանհեղեղ գրիկս և ծաղիկս, աղաչեմ զձեզ, մի
մեղադրէք. զի թէ և գոյր կարողութիւն փոքր մի այլ լաւ գրել և ծաղկել,
սակայն ոչ կարացի, զի կարի ստիպ(աւ) արտօրք էի՝ վասն ուսանելոյ հա-
մար լաթին լեզուին և գրին, և միայն աւարտելոյն էր փոյթ և ոչ արուես-
տի գրոյն և ծաղկոյն:...

Պարիպ եմ օտար յաշխարհի,
Անարժան և յոյժ փանագի.
Մարմնովս եմ մեղօք ի լի,
Ըզհոգիս իմ խաւար լցցի:
Տղաչեմ ըզքեզ Միածին որդի,
Ըտեղծող երկնի և երկրի.
Մեղայ գոչեմ և այժմ ի լալի,
Թող զիմ մեղքն զոր ես գործեցի:
Ծքեզ աղաչեմ լոյսդ հայրենի,
Յարութիւն ու կեանք մարդկայնի.
Աստէն տուր զղլումն ինձի՝
Փոշոմնիլ զոր ինչ գործեցի:

Տնճառ Միածին որդի
Որ էիր ի Հօր անմարմնի,
Խոնարհեցար յաշխարհս ստորի
Եւ առեր մարմին ի Կուսի.
Պարի երկնաւոր բարի,
Գթա, Տէր, ի քո ծառայի.
Հառաչեմ ես արտասովալի,
Հաշտեա, Տէր, քո արարածի:
Մքէն հայցեմ, ո՛վ փափագելի,
Տուր անմահ ջրոյդ որ եմ ծարաւի.
Մի՛ տար զմիտս զբաղումն յաշխարհի,
Այլ տուր իմացումն՝ որ միշտ քեզ հայի:

... Որոց աղօթիւքն ողորմի Քրիստոս Աստուած ստացողի գրոցս աստուա-
ծասէր տիկնոջն Կատարինէին, և առն իւրոյ Զատկին, և ծնողացն իւր Գրի-
գորին և Աննային, և ամենայն արեան մերձաւորաց. նաև մեղապարտ Ղա-
զար գրչին, և իմ ծնողացն՝ Նիկոլին և Շնոֆորին, և իմ քուրոջն Ղուտ-
րատին:.. (Յայանառարք ի Լեւկերկ: Տես և տարի 1613. 1624. 1627.
1629):

1605.

Գրեցաւ Սաղմոսարանս՝ որ է երգ Դաւթի մարգարէին, ի կաթողիկոսու-
թեան Տէր Մեթիսեթին, թագաւորութեան Ֆրանգաց աշխարհի Գ Զիվմն-
դին, ի թվականութեան Հայոց ՌԾԳ, ապրիլ ամսոյ ի, յաշխարհիս իւա-
խաց ի քաղաքս Կամենից. որ և երես զսա գրել Պր. Խաչքո, որ էր սրդի
Պր. Ավաքին, մեծաւ փափագանօք և սրտիւ յօժարութեամբ, ի վայելումն
անձին իւրոյ և զաւակաց նորին. որ և Աստուած բարով վայելել տացէ նմա
ընդ երկար ժամանակաւ: Արդ գրեցաւ ձեռամբ անիմաստ և անհմուտ չքեղող (?
չքերդող) Յակոբ դպրի որդւոյ Տեառն Գրիգորին: Աղաչեմք զամենեսեան, ո՛վ
ընթերցողք, որք հանդիպիք սմա տեսանելով կամ աղօթս ասելով, անմեղադիր
լերուք վասն սղալանաց գրոցս, զի կար մեր այսչափ էր. զի անտեղեակ եմ ի
գրոց սրբոց. բաւ է իմաստնոցն: Եւ արդ ծաղկեցաւ ծաղկունքն դարձեալ
նոյն Յակոբ դպրի ձեռամբ. և կատարեցաւ ի փառս Քրիստոսի: